

ONA TILI DARSLARIDA “O’TKAN KUNLAR” ASARI ASOSIDA MATN VA LUG’ATLAR

USTIDA ISHLASH

(8-sinf, 51-dars asosida)

Karomatov Akbar Abramat o‘g‘li

CHDPI Gumanitar fanlar fakulteti 2-kurs talabasi

Ilmiy Rahbar

f.f.n,dotsent T.SABITOVA

ANNOTATSIYA

8-Sinf ona tili darsligining o‘quvchilarda matn va lug’at ustida ishlash ko’nikmalarini shakillantirishda “O’tkan kunlar” asaridan olingan parcha va lug’atlarning ahamiyati. Matn va lug’atlar ustida ishlash avzusi uchun materiallar.

Tayanch So’zlar: Aysh-u kom, tojdor, bojdor, ko`lanka, anjuman, af’ol, nadim.

8-Sinf ona tili darsliklari har bir mavzusining ma’lum qismi o‘quvchilarning lug’at boyliklarini oshirish va so’zni o’rinli qo’llashlari uchun ko’nikma yaratishga qaratilgan. Ularda badiiy va turli ilmiy asarlarning tilini va lug’atini tahlil qilishlari uchun materiallar berilgan. Bular sirasiga “Turkiy guliston yoxud axloq”, “Lison ut-tayr”, “Muhokamat ul-lug’atayn”, “Mahbub ul-qulub”, “Majolis un-nafois” “yulduzli tunlar”, “O’tkan kunlar”, “Avlodlar dovon” kabi asarlarning turli o’rinlaridan olingan parchalarni keltirish mumkin. Ularning bir qismi mumtoz matnlar va yana bir qismi yaqin XX asr o’zbek adabiy tilida qo’llanilgan so’zlar jamlangan asarlardan olingan parchalardir. Ulardan biri o’zbek adabiyotining zabardast vakili A.Qodiriyning qalamiga mansub bo’lgan va o’zbek romançiligining shoh asari “O’tkan kunlar”dir. Asar tilining lug’atlari bilan o‘quvchilarni yaqindan tanishtirish uchun asarningturli o’rinlaridan ko‘p va xo‘p olsak arziydi. Ammo namuna va sifatida kichik parchalar bilan asarning boshqa o’rinlarida ham uchrovchi asar tili lug’atlaridan ham foydalanildi.

Dars jarayonida pedagog xodim quyidagi materiallarga yuzlanishi aniq. Bular mavzu doirasida berilgan parch ava bu parchaning matni va lug’ati ustida ishlash kerakligi haqidagi shartlar. Bunda pedagog xodim, avvalo, berilgan parchada keltirilgan yoki mavzu doirasida olingan asarning turli o’rinlarida qo’llanilgan so’zlarni ajratib olishi kerak. O‘quvchilarga tushunarli bo’lishi va mazmunli dars jarayonini tashkil etish uchun asarning lug’ati ustida ishlanadi va materlar to’planadi. So’ng esa dars jarayonida topshiriqda berilgan parchani o‘quvchilarga taqdim etgan holda ulardagi so’zlarning ma’no va izohlari bayon etiladi.

YUSUFBEK HOJI

Yusufbek hojining qiziq bir tabiatibor: xotin bilangina emas, umuman uy ichisi bilan har qanday masala ustida bo'lsa-bo'lsin, uzoq so'zlashib olturmaydir. Otabekmi, onasimi, Hasanalimi, ishqilib uy ichidan birartasining so'zlari va yo kengashlari bo'lsa, kelib hojining yuziga qaramasdan so'zlab beradilar; maqsad aytib bitkandan so'ng sekingina ko'tarilib uning yuziga qaraydirlar. Hoji bir necha vaqt so'zlag'uchini o'z og'zig'a tikiltirib olturg'andan so'ng, agar ma'qul tushsa, "xo'b" deydir; gapka tushunmagan bo'lsa, "xo'sh" deydir; noma'qul bo'lsa, "durust emas" deydir va juda ham o'ziga noma'qul gap bo'lsa, bir iljayib qo'yish bilan kifoyalanib, mundan boshqa so'z aytmaydir va aytsha ham, uch-to'rt kalimadan nariga oshmaydir. Uy ichi uning bu fe'liga juda yaxshi tushunganliklaridan, ko'pincha, bir og'iz javob olish bilan kifoyalanadirlar. Ammo Otabek bilan birar to'g'rida so'zlashmakchi bo'lsa, uni aksar mehmonxonaga chaqirib yoki chaqirtirib oladir.

XUSHRO'YBIBI VA ZAYNAB

Xushro'ybibi Zaynabning egachisidir. Mohirabonudan ikki o'g'ul va ikki qiz dunyog'a kelib, to'ng'uchi Azimbek, undan keyingisi Xushro'y (yoshlig'ida Xushro'y o'rniga Xushra der edilar), uchunchisi Karimbek va to'rtinchisi bizning Zaynab edi. Zaynab egachisi Xushro'ydan yetti yosh chamasi kichik edi. Garchi bu ikki egachisingil bir qorindan talashib tushkan bo'lsalar ham, sajiya – xarakterda tanib bo'lmasliq darajada bir-birlaridan farqliq edilar. Sajiyadagina emas, surat va siymo vajida ham katta o'zgaliklar bor edi.

Xushro'y uzun bo'ylik, qotmaroq va zarcha tanlik edi. Zaynab qisqa bo'y, go'shtdor va oq tanlik edi. Xushro'yning harakati yengil va lafzi tez edi. Zaynab lappos va o'nta so'zga arang bitta javob qaytaradiring'an edi. Xushro'yning ko'zi o'ynab, har sekundta o'yoqqa alang'lar edi. Singlisi bo'lsa birav bilan betma-bet kelib so'zlashqanida ham ko'zini hamisha bir nuqtadan uzmas edi.

(Foydalanilgan adabiyotlarga qaralsin, 1, 73-bet).

Yuqorida "O'tkan kunlar asaridan olingan parchadan so'ng esa, mavzu doirasida berilgan atamalar, asarning turli o'rinalarida uchrovchi va berilgan parchadagi so'zlarning izohini, qo'llanish o'rinalariga misollar bilan berib o'tish lozim.

Bu o'rinda so'zlarni quyidagicha tavsiflash maqsadga muvofiq.

AYSHISHRAT — ayshu ishrat Davomli yoki surunkali kayfsafo, mayxo'rlik, ishrat. Ayshishrat qilmoq.

* Butun boshshgini ayshishrat, fahsh, buzuqlik olamidasovurib.. nihoyat taqdir uni zavqsafo tax tidan uning iflos ostonasiga otgan edi. **Oybek, Tanlangan asarlar.**

TOJDOR – [a. + f. – toj egasi; tojli]

1 Toj-taxt sohibi, toj kiygan, taxtga o'tirgan hokimi mutlaq; podsho. Elimda podshoman, bir o'zim tojdor, Behad kishi turar menga xizmatkor. **«Erali va Sherali».**

*Mamlakat parokanda, zolim tojdorlar qon ustiga qon to'kurlar. **P. Qodirov, Yulduzli tunlar.**

2 Boshida toji, o'simtasi bo'lgan, tojli. Tojdor xo'roz.

BOJDOR – [f.– boj oluvchi] – . bojgir. Birov – bojdor, Birov – tojdor. **Maqol.**

KO'LANKA – 1 Oftob nuridan to'silgan joy; soya.

*Abduvahob ayvondagi ko'lankaga o'tirdi, o'g'ilchasini tizzasiga olib, peshonasidan o'pdi. **Sh. Toshmatov, Erk qushi.**

*Mashina teraklarning quyuq ko'lankasi ostida uchib borarkan, Qudratning do'stlari ko'm-ko'k va bo'liq paxtazor dalalarni unga ko'rsatib, faxlanar edilar. **Z. Fatxullin, So'nmas yulduz.**

2 Kishi va narsalarning yorug'likka qarama-qarshi tomonga tushadigan soyasi. Aravani ot tortar, ko'lankasini it tortar. Maqol.
*Olis-olislarda yigitlarning ko'lankalari ko'rindi. «O'zbekiston qo'riqlari». Ro'paradagi uyda chiroq yondi. Darparda orqasida tebranib turgan ko'lanka to'xtadi. Gazetadan.
* Qarag'aylarning ko'lankasi tungi sokin havoda qimir etmay turardi. M. Muhamedov, Qahramon izidan.
3. Uzoqda, qorong'ilikda, tumanda g'ira-shira ko'ringan narsa; qora, sharpa. Ko'ngli aldamagan ekan- uzoqdan alaqanday ko'lanka qorayib ko'rindi. X. Sultonov, Onamning yurti.
* Bashorat yaqin bordi, ko'lanka yana qimirladi. A. Muxtor, Opa-singillar.
4 ko'chma Biror ichki ruhiy holatning (mas. Tashvish, g'am, azob) ifodasi, aksi. She'riyat boshiga zulmat ko'lankasi tushdi. Zulfiya, Xayollar, tuyg'ular.
* ..uning – [Madrayimning] nuroni chehrasini, xuddi quyoshni bulut bosganidek, qayg'u-alam ko'lankasi chulg'ab oldi. «Mushtum».
* Iqbol xola uning chehrasidagi alam ko'lankasini ilg'amadi. O'. Hoshimov, Qalbingga qulq sol.
5.ko'chma (3-sh. Egalik va o'.-p. K. Shaklida) Biror kimsanining himoyasi; panoz, homiylik. Birovning ko'lankasida yashamoq. -Qalay, Homidbek, yurtlaringiz tinchlikmi -Xudoga shukur, davlatlari ko'lankasida. A. Qodiriy, O'tgan kunlar.
6. Kam qo'll. Narsalarning boshlang'ich shakli, hali to'la shakllanmagan umumiy ko'rinishi. Chigit ekish boshlanguncha, yangi qishloqning ko'lankasi ko'riniq qoldi- ..hali ochilmagan ko'chalarning ikki yuziga sakson besh mingdan ortiq ko'chat o'tqazildi. A. Qahhor, Qo'shchinor chiroqlari.
* Ko'lankasi qolibdi Juda ozib ketibdi, ramaqijon bo'lib qolibdi. So'rila-so'rila ko'lankasi qolgan sovliq nimaga yaraydi S. Anorboev, Oqsoy.
*Ko'lanka (sini) solmoq Salbiy ta'sirini o'tkazmoq. – [Nigoraning].. bu tabassumi zo'rma-zo'raki ekanini, qandaydir g'ussa yuziga ko'lanka solib turganini Sherbek bir boqishdayoq payqadi. S. Anorboev, Oqsoy.
*Urush barcha qatori Maqsuda opaning ham boshiga o'z ko'lankasini soldi. Gazetadan. O'z ko'lankasidan (ham) qo'rmoq Har narsadan qo'rqaqidigan, xavfsiraydigan bo'lmoq. Lekin Madamin yuragini oldirib, o'z ko'lankasidan qo'rqaqidigan bo'lib qoldi. P. Tursun, O'qituvchi.
* O'zi xon, ko'lankasi maydon – q. Xon. Qora ko'lanka Yomonlik, balo ramzi. Bilaman, ana, hozir sen turgan o'lda Boshida qanot yozgan qora ko'lanka. G'ayratiy.
ANJUMAN — yig'in, majlis] Umuman, biror hodisa, tantana munosaba ti bilan bo'ladigan yig'in, majlis. Odatda u — Avaz — bir g'azal aytar, kelasi anjumanda shoiri zamonal mazkur g'azalga nazira bog'lar edilar. S. Siyoyev, Avaz.
*Mazkur anjumanda oliy o'quv yurtlari tayyorlagan 1)1)8 ish namoyish etildi. “Fan va turmush”.
* ..Imom alBuxo riy tavalludining 1)200 yilligi munosabati bilan O'zbekistonda birinchi marta xalqaro anjuman o'tkazshdi. Gazetadan.
NADIM – [a. – birga ovqatlanuvchi, hamtovoq; ulfat] – kt.
1.Yaqin, sirdosh do'st; hamsuhbat.
2 esk. Shoh saroyida: eng yaqin xizmatkor, mahram va maslahatchi.
*Malikul sharobning o'zi ham yoshligida sultonning suyukli nadimi bo'lgan. O. Yoqubov,
* Ko'hna dunyo.
3 Nadim (erkaklar ismi).

(Foydalilanilgan adabiyotlarga qaralsin,2).

Afol- Fe'llar, harakatlar, qilmishlar, ishlar.

Nedin bas kelib tarki royi savob,

Qilur noxush af'olni irtikob. **(Saddi Iskandariy) A.NAVOIY**

Odat, axloq, qiliqlar.

Ato hargiz o'g'il ko'ngliga boqmay,

O'g'ilga ham hargiz ato af'oli yoqmay.
Otamning bo'lib erdi Yoshi uluq,
Men af'olindin bor edim qayg'uluq. (**Saddi Iskandariy**) A.NAVOIY

(Foydalanilgan adabiyotlarga qaralsin,3).

Yuqorida asar asosida va mavzu talabi doirasida berilgan so'zlarning izohidan so'ng, o'quvchilarga topshiriqlar berilishi ham mumkin va bu topshiriqlarning to'g'ri bajarilish darajasi mavzuning qay darajada o'tilganini belgilab beradi. Yuqorida to'plangan materiallar o'quvchining mavzuni keng ko'lamma tushinishi va topshiriqlarni osonlik bilan anglashida qulaylik yaratadi. Yuqoridagi materiallar asosida mavzu topshiriqlarini quyidagi jadvalda aks etgan hoatlar kabi bajarish mumkin.

95-topshiriq. Berilgan so'zlardan aysh-u kom, tojdar, bojdor, ko'lanka, anjuman, af'ol, nadim so'zlarining ma'nosiga mos keluvchi so'zlarni toping: hukmdor, soya, rohat-farog`at, bojxona xodimi, soliq yig`uvchi, yig`in, majlis, yaqin, sirdosh do'st, hamsuhbat, shoh saroyida eng yaqin xizmatkor, mahram va maslahatchi.

Aysh-u kom	Rohat-farog`at
Tojdar	Hukmdor
Bojdor	Bojxona xodimi, soliq yig`uvchi
Ko'lanka	Soya
Anjuman	Yig`in, majlis
Af'ol	Fe'llar, harakatlar, qilmishlar, ishlar. Odat, axloq, qiliqlar. (Navoiy asarlari tili lug'atidan).
Nadim	Mahram va maslahatchi, shoh saroyida eng yaqin xizmatkor. yaqin, sirdosh do'st, hamsuhbat.

(Foydalanilgan adabiyotlarga qaralsin, 4, 74-bet. topshiriq shartlari matni olindi va maqola muallifi tomonidan topshiriq shartlari bajarildi).

Yig'ilgan material va manbalardan ko'rinish turibdiki, pedagog xodimlarning mavzu talabi va manbalari bilan chegaralanmaga holda berilgan parcha bilan individual tarzda ishslash dars jarayonida o'quvchining keng ko'lamma darsni anglashi va tushinishi, o'quvchiga yengillik tug'dirishi mumkin. Bu o'rinda berilgan asar yoki ilmiy material tili izohli lug'atlari va "O'zbek tili so'zlarining izohli lug'atlari"dan foydalanish maqsadga muvofiq.

FOYDALANILGAN ADABIYOTLAR:

1. Ona tili (Umumiy o'rta ta'lim maktabalarining 8-sinfI uchun darslik) O'zXTaV. Toshkent – 2019.
2. O'zbek tilining izohli lug'ati. 5 jildli. "O'zbekiston milliy ensiklopediyasi", Davlat ilmiy nashriyoti – 2006.
3. Alishe Navoiy asarlari tilining izohli lug'ati. (IV) 2-jild. CCP "ФАН" нашрийоти. ТОШКЕНТ – 1983.
4. Ona tili (Umumiy o'rta ta'lim maktabalarining 8-sinfI uchun darslik) O'zXTaV. Toshkent – 2019.